



Broj: 04-20-909-1/26
Ključ, 17.04.2026. godine

Na osnovu člana 40. Statuta Općine Ključ („Službeni glasnik Općine Ključ“, broj: 3/10 i 3/11) i člana 7. Pravilnika o utvrđivanju uslova za ostvarivanje prava na podsticaj biljnoj proizvodnji, Podsticaj proljetnoj sjetvi – sjetvi: kukuruza (silažnog i merkantilnog) i jarih strnih žita (pšenice, raži, ječma, zobi i tritikale) broj: 04-20-909/26 od 16.04.2026. godine, Općinski načelnik Općine Ključ raspisuje:

JAVNI POZIV

ZA OSTVARIVANJE PRAVA NA PODSTICAJ BILJNOJ PROIZVODNJI PODSTICAJ PROLJETNOJ SJETVI KUKURUZA (SILAŽNOG I MERKANTILNOG) I JARIH STRNIH ŽITA (PŠENICE, RAŽI, JEČMA, ZOB I TRITIKALE)

I PREDMET JAVNOG POZIVA

Predmet Javnog poziva je prikupljanje zahtjeva za ostvarivanje prava na podsticaj biljnoj proizvodnji, Podsticaj proljetnoj sjetvi – sjetvi kukuruza (silažnog i merkantilnog) i jarih strnih žita (pšenice, raži, ječma, zobi i tritikale) po Programu utroška sredstava za podsticaj poljoprivrednoj proizvodnji na području općine Ključ za 2026. godinu.

II IZVOR I VISINA NOVČANIH SREDSTAVA

Osigurana novčana sredstva za podsticaj biljnoj proizvodnji, Podsticaj proljetnoj sjetvi – sjetvi kukuruza (silažnog i merkantilnog) i jarih strnih žita (pšenice, raži, ječma, zobi i tritikale) su sredstva iz Budžetu općine Ključ za 2026. godinu sa ekomomskog koda 614500 – Subvencije poduzetnicima "Podsticaj poljoprivrednoj proizvodnji " u iznosu od 90.000,00 KM.

III PRAVO UČEŠĆA

Pravo učešća po ovom Javnom pozivu imaju klijenti : pravna lica, obrtnici i fizička lica sa područja općine Ključ, koji su izvršili kupovinu sjemena kukuruza i/ili sjemena jarih strnih žita u 2026. godini, koji poljoprivrednu proizvodnju ostvaruju na području općine Ključ, a koji ispunjavaju uslove određene u tački V. ovog Javnog poziva.

IV USLOVI KOJE MORAJU ISPUNJAVATI KLIJENTI

Klijent – pravno lice, obrtnik i fizičko lice mora ispunjavati slijedeće uslove:

- da je upisan u Registar poljoprivrednih gazdinstava (RPG) i/ili Registar klijenata (RK),
- da je ažurirao/izvršio promjenu podataka u RPG i RK u Općini Ključ,
- da je izvršio kupovinu sjemena u 2026. godini:
- kukuruza minimalno 2 vreće sjemena a maksimalno 35 vreća sjemena (pakovanje od 25.000 zrna sjemena),
- jarih strnih žita (pšenice, raži, ječma, zobi i tritikale)
minimalno : pšenice 46 kg, raži 40 kg, ječma 44 kg, zobi 30 kg i tritikale 50 kg,
a maksimalno : pšenice 2.300 kg, raži 2.000 kg, ječma 2.200 kg, zobi 1.500 kg i tritikale 2.500 kg,
- klijenti koji zasnuju proizvodnju :
- kukuruza na minimalno 0,5 ha a maksimalno 17,00 ha,
- jarih strnih žita - (pšenice, raži, ječma, zobi i tritikale) na minimalnoj površini 0,2 ha, a maksimalno 10,00 ha po kulturi,
- klijenti koji obave sjetvu kukuruza, i/ili jarih strnih žita, u 2026. godini na području općine Ključ, što će provjerom na terenu (na 10% podnesenih zahtjeva metodom slučajnog uzorka) utvrditi nadležna Služba za razvoj, privredu i civilnu zaštitu.

V POTREBNA DOKUMENTACIJA ZA ZAHTEJEV

Zahtjev na ovaj Javni poziv mora biti potpun a klijenti su dužni dostaviti slijedeću dokumentaciju:

- popunjen obrazac Zahtjeva na Prijavnom obrascu za Javni poziv,
- fiskalni računi/fakture o izvršenoj kupovini sjemena kukuruza i/ili jarih strnih žita za proljetnu sjetvu 2026. godine – (original ili ovjerena kopija),
- deklaracije o kvalitetu sjemena poljoprivrednog bilja – (kopija)

VI NAČIN PREUZIMANJA JAVNOG POZIVA I PRIJAVOG OBRASCA

Javni poziv i Prijavni obrazac za podnošenje Zahtjeva za ostvarivanje prava na podsticaj biljnoj proizvodnji, Poticaj proljetnoj sjetvi – sjetvi kukuruza (silažnog i merkantilnog) i jarih strnih žita (pšenice, raži, ječma, zobi i tritikale), može se preuzeti sa službene internet stranice Općine Ključ, www.opcina-kljuc.ba ili u prostorijama Općine, kancelarija broj 4, ulica Branilaca BiH br. 78, 79280 Ključ, svakim radnim danom u vremenu od 07:30 -15:00 sati.

VII NAČIN PODNOŠENJA ZAHTJEVA

Dostavljanje Zahtjeva na Javni poziv sa svom propisanom dokumentacijom se vrši preporučeno poštom ili lično u šalter Sali Općine Ključ, u zapečaćenoj koverti na adresu:

Općina Ključ, ulica Branilaca BiH br. 78, 79280 Ključ

sa naznakom:

Ne otvaraj – „Prijava na Javni poziv za ostvarivanje prava na podsticaj biljnoj proizvodnji, Podsticaj proljetnoj sjetvi – sjetvi kukuruza (silažnog i merkantilnog) i jarih strnih žita (pšenice, raži, ječma, zobi i tritikale)“.

Na poštini koverti obavezno navesti naziv pravnog lica/obrta, ime i prezime fizičkog lica podnosioca zahtjeva i adresu.

VIII PROVJERA STATUSA KLIJENTA

Provjera statusa pravnog lica, obrtnika i fizičkog lica u Registru poljoprivrednih gazdinstava i/ili Registru klijenata će se vršiti po službenoj dužnosti u Službi za razvoj, privredu i civilnu zaštitu.

IX IZNOS SREDSTAVA PO KLIJENTU

Sredstva će biti proporcionalno raspoređena svim klijentima a vršiće se na osnovu dostavljenih fiskalnih računa/faktura.

X REZULTATI JAVNOG POZIVA

Komisija za ostvarivanje općinskih novčanih podsticaja će nakon isteka roka za podnošenje zahtjeva po Javnom pozivu, sačiniti Zapisnik o ispunjavanju uslova za ostvarivanje novčanih podsticaja, sačiniti i objaviti Odluku o utvrđivanju preliminarne liste klijenata koji ispunjavaju uslove za dodjelu podsticaja čiji sastavni dio je spisak/lista klijenata koji ispunjavanju uslove po Javnom pozivu, ostvaruju pravo na podsticaj kao i visinu novčanih podsticaja po klijentu.

Prigovor na Odluku o utvrđivanju preliminarne liste podnosi se Općinskom načelniku u roku od 7 dana od objave na oglasnoj ploči Općine Ključ.

Nakon isteka roka za prigovor Odluku o utvrđivanju konačne rang liste za klijente koji ispunjavaju uslove po Javnom pozivu, ostvaruju pravo na podsticaj donosi Općinski načelnik a spisak/lista klijenata koji ispunjavaju uslove i ostvaruju pravo na podsticaj kao i visinu novčanih poticaja po klijentu sačinjen od strane Komisije čini sastavni dio Odluke i ista će biti objavljena na oglasnoj ploči Općine Ključ i službenom glasniku Općine Ključ.

XI. ROK ZA PODNOŠENJE ZAHTJEVA

Javni poziv ostaje otvoren 15 dana od dana objave (do 05.05.2026.godine) i biće objavljen na internet stranici Općine Ključ i oglasnim pločama Općine Ključ.

Nepotpune i neblagovremene prijave neće se uzeti u razmatranje.

XII. DODATNE INFORMACIJE

Za sve dodatne informacije možete se obratiti lično u kancelariju broj 4 Općine Ključ ili putem telefona 037/316-232.

Obrađivač:

Služba za razvoj, privredu i civilnu zaštitu

Dostavljeno:

1. Oglasna ploča
2. službena internet stranica Općine
3. a/a

